

武林葉慕樵著

萬病治療指南

上海中華新教育社印行



萬病治療指南 卷九（女科）

調經門

【月經不通】女人月經不通。腹內積聚。虛脹雷鳴。四肢沉重。亦治丈夫積聚。取高地虎杖根。剉二斛。水二石五斗。煮取一斗半。去滓。入醇酒五升。煎如餠。每服一合。以知為度。③不行已久。臍腹痛。腰腿沉重。寒熱往來。用芥子二兩為末。每服二錢。熱酒食前服。④數年不通。面色萎黃。唇口青白。腹內成塊。肚上筋起。腿脛或腫。桃根煎煮之。用桃樹根牛蒡根馬鞭草根牛膝蓬蘽各一斤。剉以水三斗。煎一斗。去渣。更以慢火煎如餠狀。收之。熱酒調服。一匙。或用乾漆一兩。煨生地二十兩。為丸。每服三錢。

【室女經閉】當歸尾沒藥各一錢。為末。紅花浸酒。面北飲之一日。一服。⑤時珍曰。活血俗方。用治女子經水不通。茜根一兩。煎酒服之。一日即通。甚効。

【婦人血氣】作痛。及下血無時。月水不調。用畢撥益炒蒲黃炒等。分為末。煉蜜丸。梧子大。每空心溫酒服三十丸。兩服即止。名二神丸。⑥時珍曰。婦人嘈雜。皆血液淚汗變而為痰。或言是血嘈。多以猪血炒食而愈。蓋以血導

血歸原之意耳。此固一說。然亦有蛇蟲作嘈雜者。蟲得血腥則飽而伏也。⑦五靈脂生研三錢。酒煎熱服。

【月經不調】久而無子。乃衝任伏熱也。熟地黃半斤。當歸二兩。黃連一兩。並酒浸一夜。焙研為末。煉蜜為丸。梧子大。每服七十九。米飲溫酒任下。⑧血臟冷痛。此方平易。

捷徑。熟附子去皮。當歸等分。每服三錢。水煎服。

【經閉驗胎】經水三個月不行。驗胎法。川芎生為末。空心煎艾湯服一匙。腹內微動是有胎。不動者非也。

【月經久閉】蠶沙四兩。砂鍋炒半黃色。入無灰酒一壺。煎沸。澄去沙。每溫服一盞。即通。

【月信澀滯】蘘荷根細切。水煎取二升。空心入酒和服。

【血脉不調】苦蕒菜曬乾為末。每服一錢。溫酒下。

【血氣刺痛】香附子炒一兩。荔枝核燒存性。五錢為末。每服二錢。米飲調下。

【積血不散】歸尾延胡蒲黃芫青米炒各三分。為末。酒下。

【乾血氣痛】錦紋大黃酒浸曬乾四兩。為末。好醋一升。熬成膏。丸芡子大。卧時酒化一丸服。大便利一二行。紅漏自下。乃調經仙藥也。或加香附。⑨婦人血氣不行。上衝

心膈變為乾血氣者。用絲瓜一枚燒存性。空心溫酒服。女人血枯。時珍曰。烏鰂骨。厥陰血分藥也。其味益而走血也。故血枯血瘦。經閉崩帶。下痢疳疾。厥陰本病也。寒熱瘧疾。聾瘵少腹痛。陰痛。厥陰經病也。目翳流淚。厥陰竅病也。厥陰屬肝。肝主血。故諸血病皆治之。

【婦人血厥】平居無疾苦。忽如死人。身不動。搖目閉口噤。或微知人。眩冒移時方寤。此名血厥。亦名鬱冒。出汗過多。血少。陽氣獨上。氣塞不行。故身如死。氣退血還。陰陽復通。故移時方寤。婦人尤多此證。宜服白薇湯。用白薇當歸各一兩。人參半兩。甘草一錢半。每服五錢。水煎服。【婦人血癖】作痛。大黃一兩。酒二升。煮十沸。頓服。取利。【婦人血結】小腹滿如敦狀。小便微難而不渴。此為水與血俱結在血室。大黃二兩。甘遂阿膠各一兩。水一升半。煮半升。頓服。其血當下。

【婦人血暈】沒藥末一錢。酒服便止。

【婦人血風】婦人血風攻腦。頭旋悶絕。忽死倒地。不知人事者。用蒼耳草嫩心陰乾為末。以酒服一大錢。其功甚効。此物善通頂門連腦蓋。

【五旬行經】婦人五十後經水不止者。作敗血論。用茜根一兩。阿膠側柏葉炙黃芩各五錢。生地黃一兩。胎髮一

枚燒灰。分作六帖。每帖水一盞半。煎七分。入髮灰服之。

【月經逆行】從口鼻出。先以京墨磨汁服止之。次用當歸尾紅花各三錢。水一鐘半。煎八分。溫服。其經即通。

膠切炒。新綿燒灰。每服二錢。米飲調下。即愈。

【男女血虛】麥門冬三斤。取汁熬成膏。生地黃三斤。取汁熬成膏。等分一處濾過。入蜜四之一。再熬成瓶。收。每日白湯點服。忌鐵器。

【月經異疾】女人月事退出。皆作禽獸之形。欲求傷人。先將綿塞陰戶。乃頓服沒藥末一兩。白湯調下。即愈。

【婦人氣盛】血衰變生諸症。頭暈腹滿。香附子四兩。炒。茯苓炙甘草各一兩。橘紅二兩。為末。每服二錢。沸湯下。

【男女血病】治嘔吐諸血。及便血。婦人崩中神効。積雪草五錢。當歸酒洗。梔子仁酒炒。蒲黃炒。黃連炒。條芩炒。生地黃酒洗。陳槐花炒。各一錢。上部加藕節一錢。五分清部加地榆一錢。五分。煎服効。

【婦人發熱】欲成勞病。肌瘦食減。經候不調。地髓煎。用乾地黃一斤。為末。煉蜜為丸。梧子大。每酒服五十丸。

【婦人夜熱】痰嗽月經不調。形瘦者。用瓜蒌仁一兩。青黛香附童便浸晒一兩。五錢。為末。蜜調嚥化之。

【五心煩熱】用乾荷葉赤芍藥等分為末。每服二錢。退熱。

【婦人百病】諸虛不足者當歸四兩地黃二兩為末蜜丸梧子大食前米飲下十五丸

【鬼胎癰瘕】經候不通芫花根三兩剉炒黃為末每服一錢桃仁煎湯調下當利惡物而愈

【丹參散】治婦人經脉不調或前或後或多或少產前胎不安產後惡血不下兼治冷熱勞腰脊痛骨節煩疼用丹參洗淨切晒為末每服二錢溫酒調下

【婦人月水論】時珍曰女子陰類也以血為主其血上應太陰下應海潮月有盈虧潮有朝夕月事一月一行與之相符故謂之月水月信月經經者常也有常軌也天癸者天一生水也女人之經一月一行其常也或先或後或通或塞其病也復有變常而古人並未言及者不可不知有行期只吐血衄血或眼耳出血者是謂逆行有三月一行者是謂居經俗名按季有一年一行是謂避年有一生不行而受胎者是謂暗經有受胎之後月行經而產子者是謂盛胎俗名垢胎有受胎數月血忽天下而胎不損者是謂漏胎此雖以氣血有餘不足言而亦異於常矣女子二七天癸至七七天癸絕其常也有女子年十二三歲而產子者亦有婦人年五十六十而產子者此雖異事然醫者不可不知也

【婦人肌熱】血虛者白朮茯苓白芍各一兩甘草五錢為散姜棗煎服

【調經酒】治婦人經水不調氣血乖和不能受孕或生過一胎停隔多年服至半年自能調經受孕產後更無他疾神驗非凡用全當歸五兩以行血養血遠志肉五兩用甘草湯洗一次以散血中之滯行氣消痰右二味用稀布袋盛之以甜三白酒十斤浸過七日晚上溫服慎勿間斷將要服完再製經調乃止

【經脈不通】婦人經脈不通癰塊脹滿胎有鬼胎用葛上亭長五枚以糙米和炒去翅足研末分三服空腹甘草湯下須臾覺臍腹急痛以黑豆煎湯服之當通

【血氣脹滿】劉寄奴穗實為末每服三錢酒煎服不可過多令人吐利此破血之仙藥也

【血氣攻心】痛不可忍蓼根洗剉浸酒飲②沒藥末二錢水一盞酒一盞煎服

【一切血氣】天仙藤五兩炒焦為末用溫酒調服

【婦人血塊】土牛漆根洗切焙搗為末酒煎溫服極效

【婦人血奔】舊敗蒲席燒灰酒服二錢

【婦人血勞】憔悴困倦喘滿虛煩噦噦少氣發熱多汗口乾舌澀不思飲食名氣血勞油煎散用五加皮牡丹皮

赤芍藥當歸各一兩為末。每用一錢。水一盞。用青錢一文。煎油入藥煎七分溫服。常服能肥婦人。

【婦人惡血】琥珀和大黃。斃甲作散。酒下方寸匙。下惡血。

婦人腹內血盡即止。

【婦人血黃】黃茄子竹刀切。陰乾為末。每服二錢。溫酒下。

【男女諸病】無極丸。治婦人經血不通。赤白帶下。崩漏不。

一。腸風下血。五淋。產後積血。癥瘕腹痛。男子五勞七傷。

小兒骨蒸潮熱等證。其効甚速。宜六癸日合之。用錦紋。

大黃一斤。分作四分。一分用童便一盞。食鹽二錢。浸一。

日。切晒。一分用醇酒一盞。浸一日。切晒。再以巴豆仁三。

十五粒同炒。豆黃去豆不用。一分用紅花四兩。泡水一。

盞。浸一日。切晒。一分用當歸四兩。入淡醋一盞。同浸一。

日。去歸。切晒為末。煉蜜丸。梧子大。每服五十丸。空心溫。

酒下。取下惡物為驗。未下再服。

【女子小腹痛】女子忽得小腹中痛。月經初來。便覺腰中。

切痛。連脊間。如刀錐所刺。不可忍者。眾醫不別。謂是鬼。

症。妄服諸藥。終無所益。其疾轉增。審察前狀。相當。即用。

此藥。其藥夏五月連錢草正放花時。即采。曝乾。搗篩為。

糝。每服二方寸匙。和好醋二小合攪勻。平旦空腹頓服。

之。每旦一服。以知為度。如女子陰冷者。即取前藥五兩。

加桃仁二百枚。去皮尖。熬搗為散。以蜜為丸。如梧子大。每旦空腹以飲。及酒下三十丸。日再服。以愈為度。愈。麻子蕎麥。

【婦人勞熱】生乾地黃。熟乾地黃等分為末。生薑自然汁。

入水相和。打糊丸。梧子大。每服三十丸。用地黃湯下。或。

酒醋茶湯下亦可。日二服。覺臟腑虛冷。則晨服八味丸。

地黃性冷。壞脾。陰虛則發熱。地黃補陰血。故也。

【婦人久冷】血氣攻心。痛不止。以葉子雌黃二兩。細研。醋。

一升煮濃。和丸小豆大。每服十五丸。醋湯下。

【婦人狐癥】因月水來。或悲或驚。或逢疾風暴雨。被濕致。

成狐癥。精神恍惚。令人月水不通。胸脇腰背痛。引陰中。

小便難。嗜食欲嘔。如有孕狀。其癥手足成形者。殺人。未。

成者可治。用新甞一枚。以新絮裹之。黃泥固住。入地坑。

中。桑薪燒其上。一夜取出。繫加桂心末六銖為末。每。

酒服方寸匙。不過二服。當自下也。

【婦人無子】三月丁亥日。取杏月桃花陰乾為末。戊子日。

和井華水服方寸匙。日三服。

【補血破氣】追風丸。治婦人血刺小腹痛。痛不可忍。亦可常。

服。補血虛。破氣塊。甚効。用芸苔子微炒。桂心各一兩。高。

良姜半斤為末。醋糊丸。梧子大。每淡醋湯下五丸。

【血上逆心】煩悶刺痛。水牛角燒灰為末。酒服方寸是。

【女人黃疸】經水不調。房事觸犯所致。白礬黃蠟各半兩。

陳橘皮三錢為末。化蠟丸。梧子大。每服五十丸。以滋血湯或調經湯下。

【女勞黑疸】仲景曰。黃家日晡發熱及惡寒。此為女勞得之。膀胱急。小腹滿。身盡黃。額上黑。尺下熱。因作黑疸。腹

脹如水。大便秘。時痞。非水也。腹滿者難治。消石礬石燒

等分為末。以大麥粥汁和服。方寸是。日三服。病隨大小

便去。小便黃大便秘。是其候也。

【蕎脂丸】閨女行經無疼。嫁後痛經。乃不知禁忌。或經將

來。或行經未淨。交媾震動。血海損及。衝任致成逆經。痛

難以受孕。投以培養通絡多効。蕎麥五升。淘晒磨師去

粗皮。取淨麩畫邊。胭脂二兩煎濃汁。搗麥為丸。桐子大。

每服五錢。早上開水送下。忌食猪肝羊血糟醋。

【膠紅飲】婦人老年驟然大崩不止。名曰倒經。速投一劑。

其崩立止。若身發熱。以六安茶葉三錢煎服。身熱即退。

後再用六君子湯加當歸白芍煎藥調理。可保無虞。陳

阿膠五錢。白米粉拌炒。全當歸五錢。西紅花三錢。冬瓜

子三錢。右水煎服。其滓再煎服。

崩漏門

【血崩】荆芥穗麻油燈上燒焦為末。每服三錢。童便服。

治腸風大小便血。淋瀝疼痛。用鹽黃蠟紙並燒存性。

晚蚕沙白僵蚕並炒等分為末。入麝香少許。每服二錢。

用米飲送下。日三服。③代赭煨醋淬七次。湯調服二錢。

【血崩帶下】赤芍藥香附子等分為末。每服二錢。鹽一捻。

水一盞煎七分溫服。日二服。十日見効。

【崩中漏下】青黃赤白。使人無子。禹餘糧煨研。赤石脂煨

研。牡蠣煨研。烏鯽骨伏龍肝炒。桂心等分為末。溫酒服。

方寸是。日服。忌葱蒜。③獨聖散。防風去蘆頭炙。亦為末。

每服一錢。以麩糊酒調下。更以麩糊酒投之。此藥屢經

効驗。一方加炒黑蒲黃等分。③常灸猪腎食之良。

血漏不止。不止。槐花燒存性研。每服二三錢。食前溫酒

下。②亂髮洗淨燒研。空心溫酒服一錢。

【血崩不止】老絲瓜燒灰。棕櫚燒灰等分。鹽酒或鹽湯服。

②諸藥不効。服此立止。用甜杏仁上黃皮燒存性為末。

每服三錢。空心熱酒服。③用五靈脂十兩為末。水五碗

煎三碗。去滓澄清。再煎為膏。入神麴末二兩。和九梧子

下血血崩 血如山崩。或五色漏帶。並宜常服。滋血調氣。

乃婦人之仙藥也。香附子去毛炒焦。為末。極熱酒服二錢。立愈。昏迷甚者。三錢。米飲下。亦可加棕灰。

經水過多 經水不止及血崩。用黑鹽屎燒存性。麪糊丸。梧子大。每空心黃酒下五十丸。神效。

赤白崩中 舊葫蘆瓢炒存性。蓮房煨存性等分。研末。每服二錢。熱水調服。三服。有汗為度。即止。甚者五服。止。最妙。忌房事。發物生冷。

產後血崩 蓮蓬殼五個。香附子二兩。各燒存性。為末。每服二錢。米飲下。日二服。

月經不止 烏龍尾炒烟盡。荆芥穗各半兩。為末。每服二錢。茶下。② 芩心丸。治婦人四十九歲已後。天癸當住。每月却行。或過多不止。用條芩心二兩。米醋浸七日。炙乾。又浸如此七次。為末。醋糊丸。梧子大。每服七十九。空心溫酒下。日二次。③ 室女用側柏葉木賊炒微焦。等分為末。每服二錢。米飲下。④ 陳蓮房燒存性。每服二錢。酒下。

婦人漏下 赤白不止。令人黃瘦。地榆三兩。米醋一升。煮十餘沸。去滓。食前稍熱服一合。② 乾姜。鼈甲。訶梨勒皮。等分為末。糊丸。空心下三十丸。日再服。

崩中痢下 治婦人崩中及下痢。日夜數十起。欲死者。以

此入腹即活。懸鉤根。薔薇根。柿根。菝葜。各一斛。取汁煎至可丸。梧子大。每溫酒服十九。日三服。

傷中崩赤 醃醋汁。酒煎沸。空心服一盞。

血痢血崩 楮樹皮。荆芥等分為末。冷醋調服。錢。血崩以煎。七服。神效。

崩中腹滿 毛蟹殼燒存性。米飲服一錢。

崩中垂死 羊肉三斤。生地黃一斤。乾姜當歸三兩。煮服。婦人白崩。扶楊皮半斤。牡丹皮四兩。升麻。牡蠣。煨各兩。每用一兩。酒二盞。煎一盞。食前服。

女子血崩 血崩及產後血不止。月信來多。并赤帶下。取東引細椿根一大握。洗淨。水一大升。煮汁分服。便斷。

陀迦陀丸 治婦人血崩。用胡椒。紫檀香。鬱金。茜根。小藥皮等分為末。水丸。梧子大。每服二十九。阿膠湯下。

帶下門

赤白帶下 日久黃癖。六脉微瀉。伏龍肝炒令烟盡。棕櫚灰。屋梁上塵。炒烟盡。等分為末。入龍腦。麝香。各少許。每服三錢。溫酒或淡醋湯下。一年者。半月可安。多年不止。

石燕一枚。磨水服。立効。② 年深月久不瘥者。取白芍藥三兩。并乾薑半兩。剉熬令黃。搗末。空心水飲服三錢。七

服。三錢。溫酒或淡醋湯下。一年者。半月可安。多年不止。石燕一枚。磨水服。立効。② 年深月久不瘥者。取白芍藥三兩。并乾薑半兩。剉熬令黃。搗末。空心水飲服三錢。七

升。日日服之。

日再服。廣濟方只用芍藥炒黑研末。酒服之。③臍腹冷痛。面色痿黃。日漸虛困。用葵花一兩。陰乾為末。每空心

溫酒服二錢也。赤帶用赤葵。白帶用白葵。④白扁豆炒

為末。用米飲每服二錢。⑤韭根搗汁。和童便露一夜。空

心溫服取效。⑥不論老稚孕婦悉可服。取馬齒莧搗絞

汁三大合。和雞子白二枚。先溫令熱。乃下莧汁。微溫頓

飲之。不過再作即愈。⑦威喜丸。治丈夫元陽虛憊。精氣

不固。小便下濁。餘瀝常流。夢寐多驚。頻頻遺洩。婦人白

淫。白帶并治之。白茯苓去皮四兩作麪。以猪苓四錢半

入內。煮二十餘沸。取出日乾。擇去猪苓為末。化黃蠟搜

和丸。彈子大。每嚼一丸。空心津下。以小便清為度。忌米

醋。

婦人白帶。①多因七情內傷。或下元虛冷所致。沙參為末。

每服二錢。米飲調下。②白芷四兩。以石灰半斤淹三宿。

去灰切片。炒研末。酒服二錢。日二服。

室女白帶。陳冬瓜仁炒為末。每空心米飲服五錢。

白帶沙淋。白雞冠花。苦葫蘆等分。燒存性。空心火酒服。

產後帶下。漏蘆一兩。艾葉炒四兩為末。米醋三升。入藥

末一半。熬成膏。入後末和丸。梧子大。每服水下三十九

帶下脈數。枸杞根一斤。生地黃五斤。好酒一斗。煮至五

【白帶白淫】陳年風化石灰一兩。白茯苓三錢為末。糊和

丸。梧子大。每服三四十丸。食前米湯下。

【女人白淫】糙糯米花椒等分為末。醋糊丸。梧子大。每服

三四十丸。食前醋湯下。

【帶下排膿】白芷能蝕膿。今人用治帶下。腸有敗膿。淋露

不已。腥穢殊甚。遂致臍腹冷痛。皆由敗膿血所致。須此

排膿。白芷一兩。單葉蜀葵根二兩。白芍藥。白枯礬各半

兩為末。以蠟化丸。梧子大。每空心及飲前。米飲下十九

或十五丸。俟膿盡。乃以他藥補之。

【婦人白沃】經水不利。子臟堅癖。中有乾血。下白物。礬石

燒。杏仁一分。研勻。煉蜜丸。梧子大。納入腸中。日一易之。

【婦人白濁】滑數虛冷者。鹿角屑炒黃為末。酒服二錢。

【五色帶下】古磚治婦人五色帶下。以麪作煎餅七個。安

于燒赤黃磚上。以黃瓜葉傳麪上。安布兩重。令患者坐

之。令藥氣入腹。重之。當有虫出。如蚕子。不過三五度。瘕

諸血帶下。地錦味甘。溫無毒。主破老血。產後血結。婦人

瘦損。不能飲食。腹中有塊。淋瀝不盡。赤白帶下。天行心

悶。並煎服之。亦浸酒。生淮南林下。葉如鴨掌。藤蔓着地

節處有根。亦緣樹下。冬月不死。山人產後用之一名地

嗽。

止帶丸 婦人白帶過多服之即愈。陳石灰五年外者方可用。如愈陳愈妙。二兩白茯苓一兩蓮鬚炒黑一兩以

山藥一兩打糊為丸。桐子大。每日早晚以米飲服一錢。

益母丸 益母草八兩忌鐵。當歸赤芍木香各二兩為末。

蜜丸彈子大。治胎前產後臍腹乍痛。米湯下。或秦光當歸煎湯下。臨產並產後童便酒下。能安魂定魄。并催生。

妊娠門

種玉丸 服之百日可保有孕。益母草勿犯鐵器。摘碎風

乾。取淨末八兩。川芎一兩。赤芍一兩。當歸一兩。廣木香

一兩。各為細末。煉蜜為丸。桐子大。每日清晨常服五十

丸。淡鹽湯下。不可間斷。喜酒者酒吞更妙。內熱者童便

串滾水下。百日有孕。其效如神。

保胎散 凡孕婦傷動胎氣。雖見紅者。亦可保定。或常易

小產。服之可保足月分娩。熟地八錢。山藥五錢。杜仲藍

水炒。白芍酒炒。黃芪酒炙。各三錢。白朮土炒。補骨脂酒

炒。川斷各二錢。清水煎服。③頭二發。黃。不拘多少。以

陰陽瓦煨。不可過性。為細末。每服三錢。桂圓湯下。每月

飲一服。可保無墮胎之患。

胎熱不安 用白藥子一兩。白芷半兩為末。每服一錢。紫

蘇湯下。心煩熱。入砂糖少許。

安胎清熱 條芩白芷等分炒為末。米飲。九。梧子大。每服

五十九丸。白湯下。或加神麴炒。凡妊娠調理。以四物去地

黃。加白朮黃芩為末。常服甚良。

妊娠咳嗽 貝母去心。麩炒。黃沙糖。九。彈子大。每含一

妊娠心痛 不可忍。鹽炒赤酒服一撮。③煩悶。麻子仁一

合研。水二盞煎去滓服。

妊娠風寒 卒中不省人事。狀如中風。用熟艾三兩。米醋

炒極熱。以絹包熨臍下。良久即甦。

妊娠腰痛 用破故紙二兩炒香為末。先嚼胡桃肉半個。

空心溫酒調下二錢。此藥神效。③鹿角截五寸長燒赤

投一升酒中。又燒又浸。如此數次。細研。空心酒服方寸

匙。

胎損腹痛 冬麻子一升杵碎。熬香。水一升煮汁。分服效。

②孕八九月。或墜傷。牛馬驚。傷心痛。用青竹茹五兩。酒

一升煮五合服。

妊娠患淋 冬葵子一升。水三升煮二升分服。③熱痛酸

楚。手足煩疼。地膚子十二兩。水四升煎二升半分服。

妊娠子煩 口乾不得卧。黃連末每服一錢。粥飲下。或酒

蒸黃連丸亦妙。②梅師方。茯苓二兩。竹瀝一升。水四升。煎二升。分三服。不產更作之。

孕婦胎動 妊人因夫所動因絕。以竹瀝飲一升立愈。

妊娘子淋 不得小便。滑石末水和泥臍下二寸。③猪苓

五兩為末。熟水服方寸匙。日三夜二。以通為度。

妊娘惡阻 胎氣不安。氣不升降。嘔吐酸水。起坐不便。飲

食不進。二香散。用香附子二兩。藿香葉甘草各二錢為末。每服二錢。沸湯入鹽調下。

妊娘行經 赤小豆末。酒服方寸匙。日二服。

妊娘下血 婦人有漏下者。有半產後下血不絕者。有妊

娠下血者。並宜膠艾湯主之。阿膠二兩。艾葉三兩。芎藭

甘草各二兩。當歸地黃各三兩。芍藥四兩。水五升。清酒

五升。煮取三升。乃納膠令消盡。每溫酒一升。日三服。②

疼痛。雞卵一個。開孔。去白留黃。入松丹五錢。攪勻泥裹。

煨乾研末。每服三錢。米飲下。一服愈。是男。二服愈。是女。

墮胎下血 煩滿。用豉一升。水三升。煮三沸。調鹿角末方

寸匙。②不止。桑木中蝎虫屎燒末。酒服方寸匙。

胎墮血瘀 不下。狂悶寒熱。用鹿角屑一兩為末。豉湯服

一錢。日三。須臾而下。

兩為末。每服二錢。醋湯下。②代賴一錢。生地汁調服。

婦人斷產 零陵香為末。酒服二錢。每服至一兩。即一年

絕孕。蓋血聞香即散也。③白麩一升。酒一升。煮沸去渣。

分三服。經水至時。前日夜。次日早。及天明服之。④時珍

曰。芸臺菜子葉同功。其味辛氣溫。能溫能散。其用長于

行血滯。破結氣。故古方消腫散結。治產後一切心腹氣

血痛。諸遊風丹毒。熱腫瘡痔。諸藥咸用之。經水行後。如

入四物湯服之。云能斷產。⑤蚕子故紙一尺。燒為末。酒

服。終身不產。

妊娘胎漏 崔氏方。用生地黃為末。酒服方寸匙。每二夜

一。②保合集二黃丸。用生地黃熟地黃等分為末。每服

半兩。白朮枳殼煎湯空心調下。日二服。

妊娘吐血 不止。馬勃末。濃米飲服半錢。

妊娘下水 黃色如膠。或如小豆汁。秫米黃芪各一兩。水

七升。煎三升。分三服。

子癰昏冒 縮砂和皮炒黑。熱酒調下二錢。不飲者米飲

下。此方安胎止痛皆效。不可盡述。

妊娘水腫 身重小便不利。酒漸惡寒。起即頭眩。用葵子

茯苓各三兩為糝。飲服方寸匙。日三服。小便利則愈。若

出水謂之子氣乃婦人素有風氣或衝任有血風不可作水妄投湯藥宜天仙藤散主之天仙藤洗微炒香附子炒陳皮甘草烏藥等分為末每服三錢水一大盞薑三片木瓜三片紫蘇三葉煎至七分空心服一日三服小便利氣脉通腫漸消不須多服

妊娠腫渴從脚至腹小便不利微渴引飲猪苓五兩為末熟水服方寸匙日三服

妊娠尿血豆醬一大盞熬乾生地黃二兩為末每服一錢米飲下取夫指甲燒灰酒服

妊娠尿難飲食如故用川貝母苦參當歸四兩為末蜜丸小豆大每飲服三九至十九

腹中兔哭黃連煎濃汁母常呷之

妊娠胎漏血下不止血盡則子死用雞子黃十四枚以好酒二升煮如錫服之未瘥再作以瘥為度

孕婦束胎白朮枳殼麩炒等分為末燒飯丸梧子大一月一日每食前溫水下三十九胎瘦則易產也

轉女為男婦人覺有孕以雄黃一兩絳囊盛之養胎轉女成男取陽精之全于地產也千金方云婦人始覺有孕取弓弩弦一枚縫袋盛帶左臂上則轉女為男室經云凡覺有娠取弓弩弦縛婦人腰下滿百日解却

胎前產後烏金散治胎前產後虛損月經不調崩漏及橫生逆產用白芷百草霜等分為末以沸湯入童子小便同醋調服二錢

損胎下血凡孕婦多慾以致衝任損傷別無病狀用生鹿角屑當歸各三錢水煎服吃二三服其血自止

妊娠慘戚婦人懷妊四五個月遇靜則慘戚悲傷淚下如有所憑用乾棗去核以火逼燥為末薑多少入生姜末少許白湯服紅棗燒存性酒服三錢

安胎催生婦人懷孕三五月或胎動不安服之即安如足月當產無論強弱老少服之產後安康用當歸一錢

貝母八分黃芪八分紫蘇六分枳殼六分黃芩五分白芍一錢甘草二分厚朴五分藿香三分蘼艾三分兔絲子一錢四分藥料秤準不可輕重未產以前熱服一二劑或三四劑自然快生母子兩全產後切不可服至

漏胎傷胎妊娠數月經水時來名曰漏胎或因房室名曰傷胎用赤小豆芽為末溫酒服方寸匙日三服得效乃止

胎氣不安氣不升降嘔吐酸水香附藿香甘草二錢為末每服二錢入鹽少許沸湯調服之

【安胎順氣】鐵罩散。以香附炒為末。濃煎紫蘇湯服一二

錢。一加砂仁。

【妊娠浮腫】羌活、薤白、同炒香。只取羌活為末。每服一

錢。溫酒調下。一日一服。二日二服。三日三服。

【妊娠遺尿】不禁。桑螵蛸十二枚為末。分二服。米飲下。

【孕婦鐘鳴】用黔鼠壤土研末二錢。麝香少許。和湯服。不

過一二劑立效。

【孕中有癰】薏苡仁煮汁。頻頻飲之。二烏藥、軟白香、辣者

一錢。牛皮膠一錢。同煎溫服。

【妊娠毒痛】獐牛屎燒灰。水服。方寸匙。日三服。並以酢和

封之良。

【胎墮腹痛】血出不止。羚羊角燒灰三錢。豆淋酒下。

【濟陰返魂丹】治婦人胎前產後諸疾危症。用茺蔚子、葉

似艾葉、莖類、大麻、方梗、四面、四、五、六、月、節、節、開、花、紅、紫

色如蓼花。南北隨處皆有。白花者不是。以端午小暑或

六月六日花正開時。連根收。米陰乾。用葉及花子。忌鐵

器。以石器碾為細末。煉蜜丸。彈子大。隨證嚼服。用湯使

其根燒存性為末。酒服。功與黑神散不相上下。其藥不

限丸數。病愈為度。或丸如梧子大。每服四五十丸。又可

搗汁。濾淨。熬膏服之。二胎前臍腹痛。或作聲者。米飲下。

③胎前產後臍腹刺痛。胎動不安。血下不止。當歸湯下。

④產後童便化服一丸。能安魂定魄。血氣自然調順。諸

病不生。又能破血痛。養脈息。調經絡。並溫酒下。⑤胎衣

不下。及橫生不順。死胎不下。經日脹滿。心悶心痛。並用

炒鹽湯下。⑥產後血暈。眼黑血熱。口渴煩悶。如見鬼神。

狂言不省人事。童便和酒化下。⑦產後結成血塊。臍腹

奔痛。時發寒熱。有冷汗。或面垢。顏赤。五心煩熱。並用童

便酒下。或薄荷湯化下。⑧產後惡露不盡。結滯刺痛。上

衝心胸滿悶。童便酒下。⑨產後瀉血水。以漿湯下。⑩產

後痢疾。米湯下。⑪產後血崩漏下。糯米湯下。⑫產後赤

白帶下。煎膠艾湯下。⑬月水不調。溫酒下。⑭產後中風。

牙關緊急。半身不遂。失音不語。童便酒下。⑮產後氣喘

咳嗽。胸膈不利。惡心吐酸水。面目浮腫。兩脇疼痛。舉動

失力。溫酒下。⑯產後月內咳嗽。自汗發熱。久則變為骨

蒸。童便酒下。⑰產後鼻衄。舌黑口乾。童便酒下。⑱產後

兩太陽穴痛。呵欠心忪。氣短羸瘦。不思飲食。血風身熱。

手足頑麻。百節疼痛。並米湯化下。⑲產後大小便不通。

煩燥口苦者。薄荷湯下。⑳婦人久無子息。溫酒下。

【妊娠傷寒】壯熱赤斑。變為黑斑。溺血。用艾葉如雞子大。

酒三升。煮成二升半。分為二服。㉑赤斑變為黑斑。尿血。

者以葱白一把水三升煮熱服汁食葱令盡取汗
熱煩渴恐傷胎氣用嫩荳荷葉焙半兩蚌粉二錢半為末
每用三錢新汲水入蜜調服并塗腹上名單胎散

【妊娠瘡疾】先因傷寒變成者用高良姜三錢剉以猪胆汁浸一宿東壁上炒黑去土以肥棗肉十五枚同焙為末
每用三錢水一盞煎熱將發時服神効

【妊娠吐水】酸心腹痛不能飲食人參乾姜炮等分為末以生地黃汁和丸梧子大每服五十九米湯下

【妊娠中惡】心腹水痛桔梗一兩生姜三片煎六分溫服
【妊娠嘔吐】半夏二兩人參乾姜各一兩為末姜汁麩糊丸梧子大每飲服十九日三服

【毒藥墮胎】女人服草藥墮胎腹痛者生白扁豆去皮為末米飲服方寸匙濃煎汁飲亦可丸服若胎氣已傷未墮者或口噤手強自汗頭低似乎中風九死一生醫多不識作風治必死無疑

【半產漏下】虛寒相搏其脉弦芤旋覆花湯用旋覆花三兩葱十四莖新絳少許水三升煮一升頓服

【妊娠腫滿】氣急小腹滿大小便不利已服猪苓散不瘥者用太山赤皮甘遂二兩搗篩白蜜和丸梧子大每服五十丸得微下仍服猪苓散不下再服之

【妊娠血痢】阿膠二兩酒一升半煮一升頓服

【妊娠下痢】白色晝夜三五十行黃蘗厚者蜜炒令焦為末大蒜煨熟去皮搗爛和丸梧子大每空心米飲下五十九日三服神妙不可述
絞痛用烏雞子一枚開孔去白留黃入黃丹一錢在內厚紙裹定泥固煨乾為末每服三錢米飲下一服愈者是男兩服愈者是女

【胎氣不長】用鯉魚肉同鹽棗煎汁飲之

【妊娠感寒】用鯉魚一頭燒末酒服方寸匙令汗出二時行者用大鯽魚一頭燒灰酒服方寸匙無汗腹中絞痛者以醋服取汗

【妊娠病熱】青羊屎研爛塗臍以安胎氣

【胎孕有傷】時珍曰別錄言澤瀉葉及實強陰氣久服令人無子而日華子言澤瀉催生補女人血海令人有子似有不同既云強陰何以令人無子既能催生何以令人有子蓋澤瀉同補藥能逐下焦濕熱邪垢邪氣既去陰強海淨謂之有子可也若久服則腎氣大洩血海反寒謂之無子可也所以讀書不要執一

【保胎丸】治頻致胎墮悉後胎產門

【磐石散】治婦人氣血兩虛屢有墮胎之患此方和平兼養脾胃氣血覺有熱者倍黃芩少用砂仁胃弱者多用

砂仁。少用黃芩。可保弗墮。黨參三錢。炙黃芪一錢。續斷酒炒一錢。川芎五分。白芍酒炒八分。熟地八分。白朮土炒二錢。炙甘草五分。黃芩一錢。穀砂仁炒五分。糯米三錢。煎湯煎藥。覺有孕。隔三五日常用一服。過四個月方保無虞。墮胎因血熱者多。若多用艾附砂仁。是速墮也。

胎產門

【保胎九】受孕二三月。即服此九。不可間斷。服過三五七月。可保十月滿足。杜仲八兩。糯米煎湯浸透炒斷。續斷二兩。紹酒浸炒。山藥六兩。打糊丸。桐子大。每日米飲吞三錢。屢效。此九大補腎氣。托住胎元。萬勿輕視。不信。【胎熱橫悶】生銀五兩。蔥白三寸。阿膠炒半兩。水一盞煎服。亦可入糯米作粥食。

【溫養胎氣】胎至九月消息。用猪肚一枚。如常着五味煮食。至盡。

【婦人胎動】十月未足欲產。梁上塵。灶突墨。等分酒服。方寸匙。痛不可忍。銀五兩。苧根二兩。清酒一盞。水一大盞煎一盞溫服。砂末一錢。和雞子白三枚攪勻頓服。胎死即出。未死即安。母欲死子尚在。以此下之。以水銀硃砂各半兩研膏。以牛膝半兩。水五大盞煎汁入。

蜜調服半匙。因跌打舉重損胎不安。或子死腹中者。芎藭為末。酒服方寸匙。須臾一二服立出。偶因所觸。或跌墜受傷。致胎不安。痛不可忍。者縮砂麝半兩。炒熟。揀仁搗碎。每服二錢。熱酒調下。須臾覺腹中胎動。極熱。即胎已安矣。神效。或腰痛。或搶心。或下血不止。或倒產子死腹中。艾葉一雞子大。酒四升。煮二升。分二服。

【婦人將產】井華水服半升。不作運。

【胎前瘧疾】夜明砂末三錢。空心溫酒服。

【臨產下疾】厄子燒研。空心熱酒服一匙。甚者不過五服。

【婦人胎腫】屬濕熱。山厄子一合炒研。每服二錢。米飲下。

【到生口噤】冬葵子炒黃為末。酒服二錢。七效。

【生產困悶】冬葵子一合搗碎。水二升。煮半升。頓服。少時便產。曾有午時服此。未時登廁。立扑兒於廁中也。

【臨產順胎】九月十月服此。永無驚恐。福胎飲。用香附子四兩。縮砂炒三兩。甘草炙一兩。為末。每服二錢。米飲下。

【滑胎易產】車前子為末。酒服方寸匙。不飲酒者。水調服。

詩云。采采芣苢。能令婦人樂有子也。陸機註云。治婦人產難故也。

【難產催生】經日不產。雲母粉五錢。溫酒調服。入口即產。

不順者。即順。萬不失一。橫生倒產。當歸三兩。芎藭一兩。

為末。先以大黑豆炒焦。入流水一盞。童便一盞。煎一盞。分二服。未効再服。

【盤腸生產】腸乾不上者。以磨刀水少潤腸。煎好磁石一盞。溫服。自然收上。②產時子腸先出。產後不收者。名盤腸產。以半夏末頻嚙鼻中。即上矣。

【倒產逆生】兒足先出者。因兒在腹中。不能得轉。故脚先下。以小針于兒脚心刺三五刺。用鹽少許塗刺處。即可收入順生矣。②又法。以鹽塗兒足。以指搔之。并以鹽摩母腹上。兒足即收。順生矣。

【橫生逆產】灶中心對鍋底上。細研服一錢。酒調。仍捺母臍中。②倒生子死不出。當歸末酒服方寸匙。

【難產保生】陳麥草一兩。須用露天者更妙。洗去塵垢。剪寸段煎湯。難產極効。幸勿輕視。

【胎上衝心】葡萄一兩。煎湯飲。即下。如無葡萄時。其藤葉俱可以煎湯服。

【達生散】乳香去油二兩。枳壳四錢。共研細末。蜜丸。桐子大。臨月時。每早鹽湯下三錢。生時最利。

【催生散】滑石飛車前子。當歸各一錢。白朮酒炒。甘草桔梗。百草霜烏藥各五分。煎好。加香油少許服。即生。

【催生下胞】用草蓐子七粒。去壳研膏。塗脚心。若胞衣一

下。便速洗去藥。不可遲延片刻。若遲則子腸必拖出矣。②若子腸已出。不用張惶。只須即用此膏塗產母臍心。上。則腸自收入矣。收後亦速洗去草蓐膏。亦不可遲延。為要。③胞衣胎死不下。蔞葵貝母末服三錢。不下再服。【難產救急】產婦累日不下。危急之至。用此方法。草蓐子十四粒。去壳。硃砂雄黃各一錢五分。蛇蛻一尺。燒存性。共研細末。用飯和丸。彈子大。先要將花柳湯淋洗產婦臍下。隨將藥一丸放于臍中。用紙密蓋。以帛束之。若兒頭出產門。急速去之。不可遲誤。

【漏胎難產】因血乾澀也。用清油半兩。好蜜一兩。同煎數十沸。溫服。胎滿即下。他藥無益。以此助血為効。

【熱病胎死】紅花酒煮汁飲二三盞。【傷胎血結】心腹痛。取童子小便。日服二升。良。

【胎孕不下】生半夏白欬等分為末。滴水丸。梧子大。榆皮湯下五十丸。

【墮胎下血】丹參十二兩。酒五升。煮取三升。溫服一升。日三服。不飲酒者。亦可水煎服。

【胎前產後】逆生橫生。瘦胎。產前產後虛損。月候不調。崩中。百草霜白芷等分為末。每服二錢。童便醋各少許調勻。熱湯化服。不過二服。

益母膏近効方。治產婦諸疾。及折傷內損有瘀血。每天陰則痛。神方也。三月采益母草連根葉。花洗擇令淨。于箔上攤暴水乾。以竹刀切長五寸。勿用鐵刀。置於大鍋中。以水浸過二三寸。煎煮候草爛。水減三之二。漉去草取汁約五六斗。入盆中澄半日。以綿濾去濁滓。以清汁入釜中。慢火煎取一斗。如稀錫狀。磁瓶封收。每取梨大煖酒和服。日再服。或和羹粥亦可。如遠行。即更煉至可丸收之。服至七日。則疼漸平復也。產婦惡露不盡。及血運一二服瘥。其藥無忌。又能治風益心力。

酸漿實丸

治三焦腸胃伏熱。婦人胎熱難產。悉風熱門。

濟陰返魂丹

能治婦人胎前產後諸疾危症。悉妊娠門。

產婦房中

宜以火炭沃醋氣為佳。因有散瘀血之功。

琥珀散

治產後血運絕。兒枕痛。方悉前眼目門。

產後門

產後門

產後宜服

當歸五錢。川芎山查各二錢。紅花一錢。凡生

產畢扶上床坐定。即用此方熱飲一服。能去敗血。止空

腹疼。并除一切雜症。孕婦臨月。須預備此藥一劑。以

便生下即可煎服。

胎衣不下

紅花酒煮汁飲二三盞。荷葉炒香為末。每服方寸匙。沸湯或童便調下。或燒灰或煎汁皆效。

子死腹中

母氣欲絕。伏龍肝末三錢。水調下。兩水煮數沸為末。酒服立出。益母草搗氣以燒水

許。和絞取汁頓服之。或產經數日不下。以瞿麥煮汁服之。胞破不生。此方累效。救人歲萬數也。鬼白不

拘多少。黃色者。去毛為細末。不用篩羅。搗之如粉為

度。每服一錢。無灰酒一盞同煎八分。通口服立生。數未足。母欲悶絕者。用大豆三升。以醋煮濃汁頓服立

出。今人以大者為南星。小者為鬼白。草藥店賣。

產後血暈築心眼倒。風縮欲死者。取乾荊芥穗搗篩末。每用二錢匙。童便一酒盞調勻熱服立効。口噤者。挑齒

口閉者。灌鼻中皆効。用之無不如神也。心氣欲絕。益

母草研汁服一盞絕妙。時珍曰。徐氏婦病產運已死。但胸膈微熱。有名醫陸氏以紅花數十斤。大鍋煮湯。盛

三桶於窗格之下。昇婦寢其上。熏之。湯冷再如。有頃指

動。半日乃蘇。藏器曰。孕性破血。將苧麻與產婦枕之。止血運。產後腹痛。以苧安腹上即止。惡物沖心。四肢

韭菜切安瓶中。沃以熱醋。令氣入鼻中即省。

【產後血閉】不下者。益母草汁一小盞。入酒一合溫服。②

桃仁二十枚。去皮尖。藕一塊。水煎服。

【產後血滯】沖心不下。生薑五兩。水八升煮服。

【產後血衝】心胸滿喘。命在須臾。用血竭沒藥各一錢。研

細。童便和酒調服。

【產後血攻】或下血不止。心悶面青。身冷欲絕者。新羊血

一盞。飲之三兩服。妙。

【產後敗血】兒枕塊硬。疼痛發渴。及新產乘虛。風寒內搏。

惡露不快。臍腹堅脹。用當歸炒。鬼箭去中心木。紅藍花

各一兩。每服三錢。酒一大盞。煎七分。食前溫服。

【產血不下】惡血不下。羌花當歸等分炒為末。服一錢。

【產後血滲】入大小腸。車前草汁一升。入蜜一合。和煎一

沸。分二服。

【產後血塊】大黃末一兩。頭醋半升。熬膏。丸梧子大。每服

五丸。溫醋下。良久當下。

【產後汗血】污衣赤色。葶草搗生汁三升。酢二合。合和頓

服。當尿下白汁。

【產後血痛】有塊用姜黃桂心等分為末。酒服方寸匙。血

下盡即愈。②欲死者。槐雞半兩為末。酒濃煎服。立愈。

【產後惡血】沒藥血竭末各一錢。童便溫酒各半盞煎沸。服良久再服。惡血自下。更不生病。

【產後血多】不止。烏雞子三枚。醋半升。酒二升。和攪煮。取

汁一升。分四服。

【產後血脹】腹痛引脇。當歸二錢。乾姜炮五分。為末。每服

三錢。水一盞。煎八分。入鹽酢少許熱服。

【產後血氣】攻心痛。惡物不下。用灶中心土研末。酒服二

錢。瀉出惡物立效。

【產後血渴】飲水不止。黃芩麥門冬各一錢。溫服。無時。

【產後血悶】好酒一升。和地黃汁三錢。煎服。

【血露不絕】鋸桑根取屑二錢。以好酒服之。日三服。

【血上逆心】煩悶刺痛。水牛角燒末。酒服方寸匙。

【產後下血】羸瘦迫死。蒲黃三錢。煎頓服。③炙桑白皮三

錢煎湯飲之。

【血氣逆煩】羚羊角中骨燼末。飲服方寸匙。

【產後鼻衄】荊芥焙研末。童便服二錢。海上方也。

【產後瀉血】不上。乾艾葉半兩。炙熟。老生薑半兩。濃煎湯。

一服立効。

【產後血瘀】麻子仁五升。酒一升。漬一夜。明旦去。溫服一

升。不瘥再服一升。不吐不下。不得與男子通。一月將養。